

ut vestimenta ejus ne ardeant? Quod Salomon prædixit cernitur impletum : ardor a mentis in flammam erumpit, amor fragrans omnem moderationem non recipit, modum nescit, opportunitatem non quærit, non attendit ordinem aut legem, silentium rumpit; ex abundantia enim cordis os loquitur^a, silere non potest cum totius suavitate odorem sentit. Adest jubilus cordis et strepitus oris, junguntur motus gaudiorum et sonus labiorum, excitant voluntatum et vocum consonantia. B Fratres enim canonici, quasi vir unus, velut uno spiritu, una anima, Spiritu Sancto permoti, a felicitate inchoantes cantaverunt *O felix* et cetera, *Te Deum laudamus* voce altisona eructaverunt¹, qua permoti plures in ambitu murorum quiescentes velociter accurrerunt, et ultra modum admirantes, nichilominus congaudentes, sanctas reliquias reverenter osculati sunt. Erat mixtum gaudium exultationis cum mœrore compunctionis. O dulcis mixtura quam caritas imperabat, pietas commovebat! Voces in excelso resonabant, campanæ simul toto nisu pulsabantur.

Demum sanctæ reliquiæ integraliter, absque diminutione aliqua, simul in scrinio fuerunt repositæ, ubi visa est res admiratione et relatu condigna, videlicet ut scrinium ita decenter novo coaptaretur operi ac si artifices alterum alteri infallibili mensura coaptassent, cum tamen antea moderni scrinium non vidissent. Deinde ipsum scrinium optime communitum in capsam novam induxerunt, et capsam in archam ligneam intulerunt, quæ super altare aliquantulum mansit, sacerdotibus vestibus indutis sacerdotalibus adhibitis ad custodiam, ministerium E et honorem. Prædictis vero interfuerunt fratres canonici circa quinquaginta, Bonardus aurifaber et Petrus carpentarius; et qui viderunt testimonium perhibuerunt ut et vos credatis.

BREVE CHRONICON AD CYCLOS PASCHALES².

M. CC. LIII. Obiit Blanca regina Franciæ.

M. CC. LIII³. Ludovicus de ultra mare rediit. F

M. CC. LIII. Obiit Innocentius III.

¹⁶ Maii M. CC. LV. Tenuit Ludovicus curiam suam Parisius in die Pentecostes^b et dedit filiam suam regi Navarræ^c.

M. CC. LIX. Composuit pacem Henricus rex Angliæ cum Ludovico Francorum rege. G

²⁵ Maii M. CC. LXI. Obiit Alexander papa III in die beati Urbani^e, et in die Decollationis Baptistæ^d electus fuit Urbanus papa, natione Trecensis.

²⁹ Aug. M. CC. LXIII. Captus fuit Henricus rex Anglorum, et filius ejus Eduardus, et Ricardus frater ejus a domino S. de Monteforti.

²⁶ Febr. 1266. M. CC. LXVI^e. Manfredus occiditur apud Beneventum a K. comite ndegavensi. H
(N. S.)

M. CC. LXX. Hoc anno mortuus fuit rex Ludovicus Tunis.

M. CC. LXXIII. Hoc anno fuit concilium generale Lugduni.

¹ Cod. altisona eructaverunt.

² Edit. e cod. 2544 (olim 4353.5. prius Colb. 4284).

³ Corr. 1254.

⁴ Theobaldi et Isabellæ nuptias anno 1257 celebratas fuisse constat; sponsalia autem biennio ante contracta probant litteræ anno 1255 mense Augusto datæ in quibus Mar-

garita Navarræ regina Isabellam Theobaldi uxorem dicit (Thes. Chart. J. 195). Quod quidem cum ipso Joannis de Joinville testimonio optime concordat, qui hoc matrimonium a rege Navarræ petiit fuisse narrat paulo post quam beatus Ludovicus a partibus transmarinis rediit. (Vide to-mum nostrum XX, p. 289 d.)